



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Regeln Christliches Lebens**

**Walther, Georg**

**Witteberg, 1572**

**VD16 W 974**

XII. Gott/ seinem Wort vnd Geboten gehorsam sein. Gott gehorsam sein.  
Gottes vngheorsam.

**urn:nbn:de:hbz:466:1-35296**

2. Sam. 12. So sol von deinem haus das Schwert nicht lassen ewiglich / Darumb das du mich verachtet hast / vnd das Weib Urie des Hethiters genommen hast / das sie dein Weib sey.

## XII.

Gott / seinem Wort vnd Geboten gehorsam sein.

Gott gehorsam sein.

Gottes vngehorsam.

Was Gottes gehorsam sey?

Jere. 22. Vnd da die Kinder Israel hinein in das Land kamen / vnd es besaßen / gehorchten sie deiner Stimme nicht / wandelten auch nicht nach deinem Gesetz / vnd alles was du ihnen gebotest / das ließen sie / darumb du ihnen alle dis vnglück lieffest widerfahren.

Gottes Gebot.

5. Mos. 13. Ir solt dem **YHWH** ewigerm Gott folgen / vnd in fürchten / vnd seine Gebot halten / vnd seiner Stim gehorchen / vnd im dienen vnd im anhangen.

5. Mos. 12. Siehe zu / vnd höre alle diese wort / die ich dir gebiete / auff das dirswolgehe / vnd deinen Kindern nach dir ewiglich /

Das du



Das du gethan hast / was recht vnd gefellig  
ist fur dem **HERRN** deinem Gott.

## Geistliche Belohnung.

Esai. 55. Höret mir doch zu / vnd esset das  
gute/so wird ewre Seele in wollust fet werden/  
Nehet ewre Ohren her / vnd Kommet her zu  
mir / Höret so wird ewre Seele leben. Denn  
ich wil mit euch einen ewigen Bund mach  
en.

## Nützet dem Leben.

2. Mos. am funffzehenden : Wirstu der  
Stim des **HERRN** deines Gottes gehor  
chen / vnd thun was recht ist fur im / vnd zu  
Ohren fassen seine Gebot / vnd halten alle  
seine Gesetze / So wil ich der Kranckheit keine/  
die ich auff Egypten gelegt habe / auff dich  
legen/ Denn ich bin der **HERR** dein Arzt.

Jere. 38. Der Prophet Jeremia sprach zu  
dem Könige Zedekia / Lieber gehorche doch  
der Stim des **HERRN** / die ich dir sage / so  
wird dirs wolgehen / vnd du wirst lebendig  
bleiben.

Spräch Salomo. 3. Halt mein Gesetz vnd  
meinen Rath / das wird deiner Seele leben  
sein.

Syrach am sechs vnd vierzigsten : Der  
**HERR** erhielt den Caleb bey leibes Krefften/  
bis in sein alter / das er hinauff zoge auff's ge  
birge im Lande / vnd sein Same besas das  
Erbe / Auff das alle Kinder Israel sehen /  
wie gut



wie gut es ist dem **HEKKN** gehorchen.

Nützet den Kindern.

1. Mos. 22. Der **HEKKN** sprach zu Abraham / Ich wil deinen Samen segnen vnd mehren wie die Stern am Himmel / vnd wie den Sand am Ufer des Meers / dieweil du meiner Stim gehorchet hast.

1. Mos. 26. Das wird auch Isaac verheissen / etc. Darumb / das Abraham meiner Stim gehorsam gewesen ist / vnd hat gehalten meine Rechte / meine Gebot / meine weise vnd mein Gesetz.

Beschützet.

2. Mos. 23. Sihe ich sende meinen Engel für dir her / der dich behüte auff dem wege / vnd bringe dich an den Ort / den ich bereit habe. Darumb hüte dich vor seinem angesicht / vnd gehorche seiner Stimme / vnd erbittere in nicht / Denn er wird ewer vbertretung nicht vergeben / vnd mein Name ist in ihm. Wirstu aber seine Stim hören / vnd thun alles was ich dir sagen werde / so wil ich deiner Feinde feind vnd deiner widerwertigen widerwertiger sein.

Prediger 8. Wer das Gebot helt / der wird nichts böses erfahren.

Esai. 1. Wolt ir mit gehorchen / so solt ir des Landes gut gntessen.

Psal. 81. Wolte mein Volck mir gehorsam sein / vnd Israel auff meinen Wegen gehen / So wolt ich



## Gott gehorchen.

61

wolt ich ire Feinde dempffen/ vnd meine hand  
vber ire widerwertige wenden.

## Erlöset.

5. Mos. 30. Wirstu dich bekeren zu dem  
HERRN deinem Gott/das du seiner Stim  
gehörchest / So wird der HERR dein Gott  
dein Gefengnis wenden/ vnd sich deiner erbar  
men.

## Leiblicher Segen.

Isai. 1. Wolt ir mir gehorchen / so solt  
ir des Landes gut gemessen.

5. Mos. 28. Wenn du der Stim des HERRN  
deines Gottes gehorchen wirst / das  
du haltest vnd thust alle seine Gebot/die ich dir  
heute gebiete: So wird dich der HERR  
dein Gott das höhest machen vber die Völcker  
auff Erden/vñ werden vber dich komē alle dies  
se Segen/vnd werden dich treffen/darumb das  
du der stim des HERRN deinem Gottes bist  
gehorsam gewesen. Geseget wirstu sein in der  
stad/geseget auff dē Acker. Geseget wird sein  
die Frucht deines Leibes / die Frucht deines  
Landes / vnd die Frucht deines Viehs/vnd die  
Frucht deiner Ochsen / vnd die Frucht deiner  
Schafe. Geseget wird sein dein Korb vnd  
dein vbriges. Geseget wirstu sein wenn du  
eingehest / vnd geseget wenn du ausgehest.

## Bewegung.

2. Mos. 19. Werdet ir meiner Stimme  
gehörchen / vnd meinen Bund halten/ So solt  
ir mein



ic mein Eigenthumb sein für allen Völkern.

1. Sam. 15. Meinest du das der HERR lust habe am Opffer / vnd Brandopffer / als am Gehorsam der Stimme des HERRN? Siehe Gehorsam ist besser denn Opffer / Vnd auffmercken ist besser denn das Fette von Widern. Denn ungehorsam ist ein Teuberey sünd / vnd widerstreben ist abgötterey / vnd Gözen dienst.

Luce am sechsten : Warumb heisset ic mich HERR HERR / vnd thut doch nicht was ich befehle.

5. Buch Mose am fünfften : Ah das sie ein solchen sinn hetten / mich zu fürchten / vnd zu halten alle meine Gebot / ic lebenlang / auff das inen wolgienge / vnd inen Kindern ewiglich.

Sprich Salomonis am funffzehenden : Das hertz der Gerechten wird nach dem gehorsam trachten.

### Exempla des Gehorsams.

2. Mos. 24. Alles was uns der HERR gesagt hat / das wollen wir thun / vnd wollen in gehorsam sein.

Haggai 1. Da gehorchet Serubabel der Son Sealthiel / vnd Jesus der Son Josadac / der Hohepriester vnd alle vbrigen des Volcks solcher Stim des HERRN ihres Gottes / vnd den Worten des Propheten Haggai / wie inen der HERR ihres Volcks gesand



land hatte/ vnd das Volck fürchte sich für dem  
HERRN.

Philip. 2. Christus war gehorsam bis zum  
tode/ ja zum tode des Creuzes.

### Exempla des vnghehorsams.

1. Sam. 15. Warumb hastu nicht geho-  
ret der Stimme des HERRN/ Sondern  
hast dich zum Raube gewand/ vnd übel ge-  
handelt für den augen des HERRN.

1. König. 20. Ein Man von den Kindern  
der Propheten/ dieweil er nicht hat wollen  
gehorschen der Stimme des HERRN/ ist  
er vom Lewen vmbbracht worden.

1. Chronic. 11. Also starb Saul in seiner  
Missethat/ die er wider den HERRN ge-  
than hatte an dem Wort des HERRN/  
das er nicht hielt.

Jone am dritten: Jone/ dieweil er flo-  
ge/ ward er ergriffen/ vnd in das Meer ge-  
stossen.

### Schadet der Seligkeit.

1. Sam. 12. Werdet jr aber des HERRN  
Stimme nicht gehorschen/ sondern seinem  
Munde vngheorsam sein/ so wird die Hand  
des HERRN wider euch vnd wider ewre  
Vater sein.

Psal. ein vnd achtzigste: Aber mein Volck  
gehoret nicht meiner Stimm/ vnd Israel wil  
mein nicht/ so habe ich sie gelassen in jres hertze  
dünckel



dänckel / das sie wandeln nach irem Rath.  
 1. Samuel. 15. Darumb das du hast des  
 H E R R N wort verworffen / vnd der H E  
 R R hat dich auch verworffen / das du nicht  
 König seiest vber Israël.

1. Sam. 8. Denn sie haben nicht dich / son-  
 dern mich verworffen / das ich nicht sol König  
 vber sie sein.

## Schadet dem Leben.

4. Mos. 14. Die meiner Stim nicht ge-  
 horchet haben / der sol keiner das Land sehen/  
 das ich iren Vetern geschworen habe.

Psaln. 106. Sie glaubten seinem Wort  
 nicht / vnd murreten in iren Hütten / Sie ge-  
 horchten der Stim des H E R R N nicht / vnd  
 er hub seine auff wider sie / das er sie in der  
 schläge in der Wüsten.

## Der Fluch.

5. Mos. 11. Sihe ich lege euch heute für  
 den Segen vnd Fluch. Den Segen / so ir gehor-  
 chet den Geboten des H E R R N ewres Got-  
 tes / die ich euch heute gebiete. Den Fluch aber /  
 so ir nicht gehorchen werdet den Geboten des  
 H E R R N ewres Gottes.

## Straffe.

Hebrer 2. Ein igliche vbertretung vnd  
 ungehorsam / hat empfangen seinen rechten  
 Lohn.

## Drawung.

Jere. 29.



Jerem. 29. Ich wil sie in keinem Königs  
reich auff Erden bleiben lassen / das sie sollen  
zum fluch / zum wunder / zum hohn / vnd zum  
spott vnter allen Völcern werden / dahin ich  
sie verstoffen werde. Darumb das sie meinen  
Worten nicht gehorchen / spricht der **HEER** /  
das ich meine Knechte die Propheten zu euch  
fersers gesand habe / aber jr woltet nicht hören.

## Bringet elend.

Sprich Salo. 1. Weil ich denn ruffe / vnd  
jr weget euch / Ich recke meine Hand aus /  
vnd niemand achtet drauff / vnd last faren al  
len meinen Rath / vnd wollet meiner straffe  
nicht / so wil ich auch lachen in ewerem vnfall /  
vnd ewer spotten / wenn da Fomet / das jr für  
chtet.

Jerem. 32. Vnd da die Kinder Israël hinein  
in das Land kamen / vnd es besaßen / gehor  
chten sie deiner Stimme nicht / wandelten auch  
nicht nach deinem Gesetze / vnd alles was du  
jnen gebotest / das ließen sie / darumb du jnen  
alle dis vnglück ließest widerfaren.

Jerem. 42. Ir wolt der Stimme des **HEER**  
**HEER** ewers Gottes nicht gehorchen / noch  
alle dem / das er mit an euch befohlen hat. So  
solt jr nu wissen / das jr durch Schwert / Hun  
ger vnd Pestilenz sterben müßet an dem Ort /  
dahin jr gedencet zu ziehen / das jr daselbs  
wonen wollet.

Jerem. 44. Darumb das jr gereuchert habt /  
vnd wider den **HEER** gesündigtet / vnd  
S der



der Stimme des **HERRN** nicht gehorchet /  
vnd in seinem Gesetze Rechten vnd Zeugnis  
nicht gewandelt haben. Darumb ist auch euch  
solch vnglück widerfahren / wie es hentiges tag  
ges stehet.

### Ungehorsam bringet Krieg.

Jesai. 1. Weget jr euch / vnd seid ungehor-  
sam / so solt jr vom Schwert gefressen wer-  
den.

Richter 2. Ir habt meiner Stimm nicht  
gehorget / warumb habt ir das gethan? Dar-  
umb wil ich sie auch nicht vertreiben / das sie  
ewer strick sein.

Jerem. 9. Darumb das ir mein Gesetz ver-  
lassen / das ich inen furgegeben habe / vnd ge-  
horchen meiner Rede nicht / leben auch nicht  
darnach / sondern folgen ires hertzen gedun-  
cken.

## XIII.

Gott dienen.

Gottes dienst.

Gottes Gebot.

Josue 24. So fürchtet nu den **HERRN**  
vnd dienet im treulich vnd rechtschaffen / vnd  
last faren die Götter / denen ewer Väter gedie-  
net haben / jenseid dem Wasser / vnd in Egy-  
pten / vnd dienet dem **HERRN**.

i. Sam.